



17029

I

Mag. St. Dr.

P

Pocz 1592.

*Wideroch Danielis: Euchapodosis perennians
Sigismundi III.*

PANEG. et VITAE

Polon. 4^e

Æ 872.



EVCHAPODOSIS,
 SERENISSIMI
 SIGISMVNDI III.
 REGIS POLONIÆ, SVECIAE,
 GOTTHORVM, VAND. &c. &c.
 Ipsis ferijs
 DIVI SIGISMVNDI REGIS BUR-
 gundiæ Martyris ad reliquias eiusdem
 PŁOCIL

A

*Magistro DANIELE WILCZEK, Art: & Philosophiæ Do-
 ctore, Scholæ Cathedr: Płocen. Rectore conscripta.*
 Anno salutis, M. DC. XIIX.



David Rex Pòeta Dei. Psal: CXV.

גדר ליהוה אשלם נגדת נא לכל עמו.

τὰς εὐχὰς μὲν τῷ κυρίῳ ἀποδώσω, ἐν αἰτίῳ πάντος τοῦ λαοῦ αὐτοῦ.

Vota mea Domino reddam; coram omni populo eius,



393


CRACOVIAE,

170295

In Officina Typogr: Matthiæ Andreouien.



LIOTH. UNIV.



IN - PRIMA

*Stat pennis ales pennis, portatq; manipulum,
Quam circumuallant Symbola pulchra virum.
His Regni virtus clarescit in orbe Polono.
Hæc fugiunt hostes, hæc sua Regna beant.*



DEDICATORIVM.

*S*acra cano, *REGI QVE* dico, qui frænâ habenis

Regnum Sarmatiæ: quis neget es se piûm?

Vota Deo faciunt Reges: quia corde caduco

Mortales homines, quilibet es se uidet.

Vota nouent Diuis quoq: nâstum namq per æquor

Ad portum ninei transilûere pcli.

Scilicet es t uirtus, ex corde uocas se Tonantem,

Vel Diuos, si hominis non datur auxilium.

SIGIS MVNDE dicas Diuino uota Patrono,

Quæ Diui fuerant, nunc tua uota putes.

Accepit Diuus tua: tu quoq nostra capes se.

Si Deus acceptat: cur homo non capiat?

Accipe dum supplex rogo, meque agnosce clientem:

Subdita Magnanimi est corda iuuare iuri.

DIVVS SIGISMVNDVS
BVRGVNDIÆ REX, MARTYR PURPURATUS.

AD SERENISSIMVM
SIGISMVNDVM III.
REGEM POLONIÆ & SVE-
ciæ, &c. &c.

SIGISMUNDE potens, soli Poloni
Qui Sceptrum geris, & caput coronâ
Vinc' tuis, Sauromatas regis fideles
Bellona studiis viros valentes,
Qui viuunt Boreæ trucidis prope Arc Ton.
Te fluct' tuis varius mouet fugaci
In uitâ, immeritumq; sæpe uexat,
Nunc morbis, animisq; nunc malignis,
Quos Regnum patitur nitensq; uirtus.
Sic summus Pater excolit, probatq;
Mentes: aurifaber velut metallum.

Nil est

Nil est quod stabili feratur orbe
In terrâ: tamen has Deus benignus
Impulsus precibus fugat procellas.
Te credas etiam iuuabit idem,
Nos pro te Dominum poli rogamus.
Quamvis terra suos habet Patronos,
Et quivis homo, qui Deum veretur;
In calis ita mens Dei ordinavit.
Tu pergas modo semitam virentis
Virtutis terere, ut soles, beatus:
Nec cessa studiis favere pulchris,
Qua florens *ACADEMIA* vetus *CRACJ*
CRACJ fert Domus, hanc tui Parentes
Struxerunt, retine favore Musas,
Maiores imitare *REX* benignos.
Sunt, sunt, huic Domui in polo nitenti,
Quorum subsidis uiget, *PATRONI*.
In terrâ quoq; sis Patronus ô *REX*.


REX cunctis Pater esse debet agnus.
 Me Burgundia Rege clara, quondam.
 Florebat; modo sed Polona Tellus
 Post mortem fouet os sa gratiores
 Vultu, quæ duplici Deus coronâ
 Ornauit, bonitas bona absq; fine.
 SIGISMUNDE potens idem mereris;
 Virtus, artis honorq; dant coronas.

AD DIVOS,

P Lociadum Diui, quos iam fouet altus Olympus,
 Latitiam sanctæ promite pectoribus.
 Vos spectatis enim Regem, Dominumq; supremum
 In cælis ex quo gaudia cuncta fluunt.
 Vos quoq; spectatis SIS MVNDI pectora Regū,
 Henrici Fierley Presulis atq; p̃y.
 Undiq; circumstat lux, ambit et ossa beata;
 Carpite latitiam, quæ d' pia fata sinunt.
 Sarmatia Magno Regi, clarosq; salutem
 Henrico Fierley dicite; Presul enim est.
 Presul adest nouus Henricus cognomine Fierley
 Hinc stirps, hinc virtus Presulis hercle micat.
 Gaudentes ergo ambobus iam dicite O IVI:
 O utinam satis viuat riterq; bonis.

EVCHA-

EVCHAPODOSIS.

 I tibi Phæbe pio cordi, curæq; benignæ,
Plociades Mulæ, nostriq; fuere labores:
Site quando habuit vates, reperitq; fauentem
Auspicio, per sacratas fortelque, modosque,
Auxiliare, tuum numen dum quæreret ausis:
En agè, quod REGEM fatum, quæ causa subegit,
Plociacas tentare vias; vrbemque, & in altum
Erectas arces, operosaq; visere templa,
Eloquar, ac repetam primarum exordia rerum:
Nunc quoq; Phæbe fauens adsis, cæptoq; labori,
Ex Helicone sacro citharamque, fidesq; canoras,
Et blandū plectrum, & præstantes suggere vires.

Fortunam & casum patulo dominarier orbi,
Humanasq; rotare vices ab origine mundi,
Antiqui docuere Sophi, ipseque temporis vsus,
Quin & idem rerum mutatio sæpè fatetur.
Nā quod amica animos nūc sors mulcetq; fouetq;
Nunc alia ex alijs præcordia cura fatigat:
Quod quis nunc sanus, vegetosq; vigore lacertos
lactat, & exemplo ceu fulminis igne petitus
Cōcidit, ac spumas agit, ingemit, aut tremit artus,
Alter-

Alternatq; potens robur, torquetur, anhelat:
Quis neget hæc fieri casu? dubitæ tue finistros
Euentus rerum, ac discrimina sorte venire?
Non sic alternos furit æquore voluere fluctus
Scylla ferox, rapidisq; Notis agitata Charybdis:
Non sic Sithoniâ Boreas violentus ab Arcto
Quassatas pinos nunc hinc, nunc flatibus illinc
Versat, dum latè tremulos torquente procellâ
Sollicitat lucos, agitæ tue licentiùs auras:
Humanam veluti vitam Fortuna, per orbem,
Mobilis alternat vario discrimine rerum.
Heu miseras hominum sortes, fatisq; subactas.
Tantisne in tenebris vitæ, tantisq; periculis
Degitur hoc æui spatium? vsq; adeone tumescunt
Fortunæ tempestates, casusq; procellæ
Tam diros iactare Notos? Nec fortis iniquæ
Pertransire vadum dabitur, faustisq; subire
Portubus, ac sine tristiciâ traducere vitam?
Scilicet illa suo finem est positura furori;
Et Reges, & Magnanimos virtute Dynastas
Illa sibi parere iubet. Quis talia fando
Temperet à lachrymis, tristi dum mente reuoluit,
Fletiferam morbi fortem, casumq; doloris,

Quo

Quo iactatus erat bellóq; togáq; potens REX,
Dum fatis nuper languori incumberet acri?
Cernere tunc fuerat testantia corda dolorem,
Sollicitos animos, atq; anxia pectora curis:
Tunc omnem Procerum cætū, Patrumq; coronā,
Atq; potens Regnum infirmo cum REGE dolere;
Nec retinere oculis lacrymas, nec cordibus imis
Comprimere ingentem visæ matresque, virisque,
Tristitiam: it late gemitus, fletusque per omnem
Sarmatiam, mæstoq; remugit regia luctu.

Est AQUILA exuperās cygnos candore niuali,
Partibus Eois nota, Hesperioque cubili;
Iuppiter Idæus (si vera est fama) dedisse
Fertur eam Lecho, dum per deserta ferarum
Lustra, vrbesq;, genusq; suum, sedesq; locasset:
Hanc propriæ Lechus genti iam morte sub ægrá
Tradiderat: sic Lechia se Iouis alite iactat,
Sic AQUILAM Regni claro pro stemmate seruat:
Hæc vbi languentem REGEM, turbataq; sensit
Pectora Sauromatūm, & passim regalia circum
Tecta volare graues curas, luctusq; gementes,
Stemma diu suffere senex assueta manipulū
Nequicquam pennis, humerisq; imbellibus æuo

Circumdat, Regisq; ima ad penetralia fertur.

Ædibus in mediis, interq; palatia tecti
Ingens mensa fuit, rutilis distincta pyropis,
Insidens mensæ, atq; alis complexa manipulum:
Ad mæstas, inquit, voces hæc alta reuiso
Limina. Quæ mala fors populos, & tristia Regna
Impulit affligi curis! Eheu æstuat ingens,
Ingens corde dolor, turbantur pectora luctu,
Et gemitu concussi animi, viresq; solutæ:
Atq; hîc lugubri Regem ter voce vocauit:
Quem dum languenti tacitum iacuisse cubili
Conspexit, subito stetit acri fixa dolore,
Multa gemens, largisq; humectans pectora guttis:
Ter conata grauem dictis lenire dolorem,
Ter tristes oculos lacrymis suffusa rigauit,
Singultuq; pias preffit rumpente loquelas.
Tristibus interea miscetur Regia curis.
Quis fando illorum curas, gemitusq; dierum
Explicit? aut possit numeris æquare dolorem,
Quem Regina dolens Regis languore trahebat?
Stabat cum natis genitrix regalia circum
Strata, super luctu natorum, ac Regis acerbâ
Sorte gemens, multisq; irrorans imbribus ora.

Non

Non secus, ac olim nubes cum rupta procellis
Læta vireta rigans humectat flumine terras.
Heu quibus illa modis Regem conata saluti
Reddere, & affixos cordi remouere dolores?
Iam vigilem nunc huc animum, nunc diuidit illuc,
Iam curas adhibet varias, nec mollibus vnquam
Accipit internos oculis aut pectore somnos.
Cum nec spes opis vlla datur, nec cura saluti
Subuenit, & serpit magis, ægrotatq; medendo
Pallida vis morbi: panfis ad sydera palmis
Numina sancta vocat. Rex o stellantis Olympi
Aspice nos, inquit, tantosq; auerte dolores:
Tuq; SIGISMUNDE, o ingens Patrone tuorum
Adsis DIVE tuis, conceptaq; vota secunda.

Nox erat, & terras animalia fessa per omnes
Mulcebant somnis obliuia grata laborum:
Hic REX languenti deuinctus lumina somno
Conticuit, placidamq; dedit per membra quietē.
Iamq; ferè medium nigris subuēcta quadrigis,
Noctiuago Phæbe curru pulsabat Olympum;
Cum lux en oculis ingens effusa repentē
Erigitur, lateq; palatia celsa serenat:
Collucent summi radijs laquearia tecti,

Collucentq; trabes, visumq; ardere cubile.
Namq; SIGISMVNDVS Diuus (mirabile visu)
Stelligero cæli delapsus ab axe, decoris
Constitit in tectis, visusq; astare iacenti
In somnis REGI, cinctus diademate frontem,
Et chlamyde auratâ, & cælestibus inelytus armis:
Tum sic affari, curasq; his demere dictis:
Iam melius potes afflictæ confidere vitæ
SIGISMVNDÆ, licet tibi iam sperare salutem.
En ego cuius opem votis, precibusq; vocasti;
Aduenio, præsensq; tuo succurro dolori:
Surge agè, & exoriente nouo Titane, sacrata
Visere templa para, conceptaq; soluere vota.
Est vrbs Mazouiæ, tumidis quam fluctibus ambit
Vistula, Lechiadæ Plocium cognomine dicunt.
Illic templa mihi, atq; altaria ritè dicata
Conspicies, referesq; PATRONO sospes honorem.
Dixit, & auertens stellatâ fronte refulsit,
Ac procul ex oculis superas euasit in oras.
Tum REX SISMVNDVS, subitis exterritus vmbreis,
Corripit è somno corpus, lacrymisq; profusis
Ingemit, ac duplices tollens ad sydera palmas
Talia voce refert. O spes fidissima nostri

DIVE

DIVE SIGISMUNDE, ô ingens tutela tuorum!
Tantane, mi PATRONE, meæ tibi cura salutis,
Solut vt empyreo delapsus ab æthere, nostras
Has humiles ædes, humilésq; reuiferis auras,
Exuerisq; ægrum morbo, vitæq; periculo?
Quêis ego te precibus, votisq; æquare sub astra,
Aut pro mortali vitâ tibi reddere grates
Dignus ero? cum te nec vox, nec vultus, & ora
Mortalem referunt, votorum vt partibus æquis
Donari possis? Nam numina sancta deorum
Cui paribus celebrare modis cōceditur vnquam?
Spondeo DIVE tamen templisq;, arisq; sacratiss
Vota tuis, dictoq; libens parebo salubri.

Dixerat, & cælo flammantia lumina voluens,
Ter supplex dextrâ pectus percussit anhelum.

Nocturnum interea linquens Aurora cubile,
Purpureos terris vultus proferre parabat.
REX lucem nitidas vt primûm intrare fenestras
Vidit, & obscuro decedere nûbila cælo:
Moliri naues, pictasq; parare carinas
Imperat, & tonsis, remisq; aptare lacertos.
Nec mora præceptis: certatim lecta iuuentus
Dat rapidas vires operi; pars ducere pinos,

Moliriq; rates, & curuas flectere lintres;
Pars aptare trabes tecto, & discernere signo:
Remigioq; legunt pubem, velisq; ministros.
Hic malos alij statuunt: hic restibus altè
Carbasa suspendunt alij: intortosq; rudentes
Contorquent, proris vndantia vincla futuris.
Qualis, apes æstate nouâ, per florea prata
Exercet cum prole labor, dum corticis antro
Excudunt ceras, aut cum flauentia mella
Stipant, & liquido contexunt nectare cellas;
Aut oneri subeunt venientum, aut agmine multo
Degeneres fucos procul à præsepibus arcent:
Feruet opus, spumantq; fauis aluëaria pressis.

Iam statuta lux aderat, nonisq; cadentibus astris
Solis equi auroræ m terræq;, poloq; vehebant;
Famaq; discessu Regis prænuntia certo
Excierat tectis mirari in littora cætum.
Deducunt famuli naues, portuq; refigunt,
Tum loca certa legunt, vbi quisq; residere possit.

Inde vbi raucifonos cecinit tuba clara recessus,
Haud mora, profiliunt tectis, rapidisq; feruntur
Passibus ad naues nautæ: ferit aurea clamor
Sydera, remorum vario conamine surgens;

Olli

Olli remigio vires, contosque, fudesque,
Æratosq; vncos, & acutâ cuspide tonfas
Expediunt, agilesq; vibrant in flumine remos.
Tertius interea resonare per ætherâ clangor
Incipit; it portis orto Titane iuventus,
Sarmaticiq; ruunt equites, peditumq; cateruæ.
At Regem templo cunctantem ad limina primi
Expectant Proceres, ostroq; insignis & auro
Stat currus, vexantq; humentia frēna iugales
Tandem prouehitur magnâ stipante cateruâ,
Purpureâ indutus chlamidē, quam limbus obibat
Coccinus, ornabant gemmata monilia collum,
Aurea pendentem stringebat fibula balthēum.

Postquam ad Vistuleas ripas, ac pinea texta
Ventum, Rex primus solio confedit eburno,
Post alij Proceres. fluuio natat vncta carina.
Tum plausu strepitūq; virūm, studijsq; fauentūm
Flumineæ resonant ripæ, collésq; supini.
Ergo iter incæptum celerant Aquilone secundo,
Labitur acta auris abies: mirantur & vndæ,
Miratur longè fulgentia carbasa littus,
Ornatosq; viros, pictasq; innare carinas.
Vistula Sauromatūm fluuius Regnator aquarum,
Nau-

Nauibus vt REGEM per spumea cærula ferri
Sensit, arundineum vitreis caput extulit vndis,
Et procul: en ego qui Tyberis superabar honore
Vistula, dum sanum capio Regem incola Regni,
Et Tyberium vincā, & fontes vada sacra Numici.
Vos lenes, iubeo, strepitanti murmure Lymphæ
Currite, & incolumem Regem seruate periclis.

Tantum effata; caput glauco contextit amictu
Ima petens, & se spumanti condidit aluêo.

Olli remigio flexus; fluuiosq; sonantes,
Exuperant, viridesq; secant in littore syluas.

Iamq; iter emensi, turres ac mœnia læti
Ardua Plociadûm cernunt, muroq; propinquant.
Ante urbem Ciues, armisq; accincta iuuentus
Sese monstrat equis, domitatq; in puluere gyros:
Pars rutilis flagrant phaleris, pars ægide fuluâ,
Sarmaticisq; micant pharetris, Lyciisq; sagittis:
Pars clypeos, peltasq; graues, galeasq; coruscis
Subnixas cristis, & spicula lucida vibrant,
Armifonisq; humeris gestant scuta, atq; dolones:
Hic iaculis alij certant; hinc tympana rauca
Impellunt digitis alij, lituosq;, tubasq;
Increpitât: clāgor sonat vndiq;, & vndiq; murmur.

Non

Non secus ingenti bello cum fortè cohortes
Extendit legio, campo volat agmen aperto,
Lunatæq; acies; tùm latè fulgurat omnis
Ære renidenti tellus: it stridor, & altè
Buccina terrificis pulsat clangoribus auras:
Sic REGI Plocium intranti se turma ferebat
Obuia, sic armis, ac luce nitebat ahenâ.
Ast vbi iam propior portis succedit, & arcu,
Vestibulum ante ipsum, primoq; in limine sistit.
Ciuis subito primâ cum plebe Senatus
Summissis REGEM studijs, genibusq; salutat:
Tradit & auratas claues, & credita iura,
Iustitiiq; potestatem, legumq; secures:
Panduntur portæ: iuuat ire ad pergama cella,
Sacratosq; videre locos, conceptaq; corde
Vota referre Deo, ac Diuis imponere honorem.

Pandite nunc Heliconæ Deæ, cantusq; mouete.
Quêis precibus votisq; Dei pia numina adoret
Rex SIGISMUNDVS, Diuis quem reddat honorem?
Quâ pietate sacris mentem deuouerit aris?
Et vidistis enim Diuæ, & maiore potestis
Tantarum seriem rerum diducere plectro,
Ad nos vix tantos exponere pertinet actus.

Templū augustū, ingens, centum sublimē colur-
Arce nitet summā, diuini regia cultus, (mnis,
Præclarum titulis, & religione parentum.
Hinc olim sceptrum Ducibus Massossix auitum
Accipere omen erat, primosq; attollere fasces :
Hic templorum Antistitibus de more vetusto
Sacra peracturis crines velare tyarā
Stellimicans solet : hoc Diuorum curia templum :
Hæ sacris ædes epulis : hic ordine longo,
Perpetuis onerant votis altaria mystæ.
Quin etiam sacræ effigies ex ordine Diuūm,
Antiquā ex cedro, duraturaq; cupresso,
Parte Stanislaus dextrā, leuāq; locatus
SISMVNDVS Martyr, primā spectantur in arā.
Diuus deinde PETRVS Christi lectissimus olim
Discipulus, cæli seruans sub imagine clauem,
Virgoq; Diuiparens, Pauliq; docentis imago
Circumstant aras : alijq; ab origine Diui,
Pulchram qui mortem Christi pro nomine passi.
Multaq; præterea sacrā visuntur in æde
Pignora Diuorum veterū decora ampla parētum;
Et costæ laterum, & capitum sine sanguine muta
Corpora, brachiaq;, auratis vestita metallis.

Non

Non ego te penitus tacitum indictumue relinqua
O Rex & Martyr celeberrime BVRGVNDORVM:
Hoc tua se templo virtus extendit in ægros,
Hic nomenque, caputq; tuum, radiante beryllo
Chrysolitoq; micans meritos acceptat honores.

Tale introgressus templum Rex: protinus omnes
Canonici, gressus figunt in limine primo
Et glomerant sese regalia corpora circum.
Tunc vnus senior: Rex ô fortissime, dixit,
Sarmaticæ gentis pulcherrima gloria Regni,
Quòd venias tandem Plocenses saluus in oras
Post varios casus, post mille pericula vitæ,
Gratamur cuncti, & meritos celebramus honores,
Gratia magna Deo, te qui de culmine cæli
Respicit, & patriam seruat te sospite nostram;
Est pietas Diuis cordi tua, pura;q; mentis
Integritas, nostræq; preces super ardua fusæ
Cælorum, auxilijs his viuis in orbe, diuque
Viues, imperiumq; reges in pace Polonum.
Aurea pax cæli dimanat vertice Regnis,
Aurea paxq; pios Reges comitatur, & ornat.
Salue Lechiadûm, Rex Maxime, gloria templi:
O vitæ splendor salue, & pietatis auitæ.

Viue Pater Patrię, repetas & serus Olympum.
Sed nos hora vocat. Iam fælix altiùs ædem
Intra: sic fatus, requieuit, poplite flexo.
Nec mora, progreditur Rex intrò lætus, & amplā
Miratur tecti molem, miratur & aras,
Stellantesq; trabes, picturatasq; columnas,
Armáq;, & exuuias, & parta ex hoste trophæa,
Magnanimùm Heroũ, mæstis appensa sepulchris.
Atq; sub ingenti lustrat dum singula templo,
Sacra pia opperiens, dum, quæ structura sit ædis,
Artificumq; manus inter se, operumq; labores,
Perpendit, cernit carie squallentia busta,
Busta Ducum, ex sanguine statuas, animisq; carētes
Effigies, solerte manu quas struxerat olim
Dædaleus Phydias, tumuloq; aptarat eburno:
Cōstitit, & lacrymans: Quis iā terris locus, inquit,
Quæ Regio sit Sauromatũ non plena laboris?
Ecce DVCS est hæc quoq; nostrę gloria genti,
Lechiadæ imperium sortiti hostilibus armis)
His tandem tumulis vires posuere potentes.
Sic ait: & gelidis defigit lumina bustis
Suspirans, guttisq; humectat lenibus ora.
Namq; sciebat, vti gens armis perfida quondam

Mazo-

Mazouiaë, fidis contraria multa Polonis
Fecerit, ac Eheu, Mauorte petiuerit acri.
Dux Venceslaus validis se iungere Prussis,
A cruce qui sanctâ ducunt cognomina Fratres,
Ausus, terribili vexauit strage Polonos.
Quid Ziemouitus? post funera tristia Regis
Mazouiam auulsit, contemptis legibus æquæ
Sarmatię: tantû haud metuit cõmittere crimen.
Proh scelus audacis populiq;, Ducumq; nefadum!
Quid de Conrado loquar? heu quàm tetrica bella
Sæpe ciit superans peruersâ fraude Polonos?
Mazouię partes variæ testantur id ipsum.
Quanta fuit virtus Troideni Principis olim?
Quanta Boleslai: Maslai quanta ferocis?
Isti Sauromatûm vexârunt milite gentes,
Regibus armisonisq; negotia magna dedêre.
Hic pendent stirpis Lituanæ signa vetusta,
Silesiæ tabulæ, Prussis ac rapta trophæa.
Hic & Russorum exuuiæ, gentisq; Polonæ,
Hæc dum SISMVNDOR EGI miranda videntur,
Dum stupet, obtutuq; hæret defixus in vno:
Antistes FIRLEI sanctas procedit ad aras
Vota celebraturus: eum conuestit amictu

Purpura, & intextum sacratis vestibus aurum;
Albaq; gemmiferos interplicat infula crines,
Hinc atq; hinc mystę glomerātur: at ille smaragdis
Sapphyrisq; Crucem ditatam, auroq; rigentem
Fert humero, & gradiēs mystas supereminet ōnes:
Fit strepitus templo, vocemq; canora volutat
Musica, dependent lychni laquearibus aurēis
Incensi, & latē circūm loca luce serenant.
Hic Rex ante aras summisso poplite flectens
Pignora SISM VNDI DIVI sacrata poposcit,
Amplectens ea cælo oculos ac ora tenebat,
Et mox Lechiadū salve Patrone tuorum,
Vos saluete simul fatis mihi debita templa.
Hæc ara, hoc illud templū est, quod Diue monebas
Visere, dum te in opem sum per mea vota precatus.
His dictis sacro capiti oscula dulcia fixit,
Terq; manu supplex pectus percussit eburnum
Post vbi perfectum sacrum, & pia vota peregit.
Egressus templo sacrato, fronte serenā
Dum parat auratos pedibus conscendere currus,
Turba virūm clamat: Rex clemens, propter amorē
Altitoni, fer opem miseris, quos sæua fatigat
Pauperies, & dura fames, quæ parcere nescit,
Quod

Quod facies nobis, Rector tibi reddet Olympi.
Vocibus his motus donatum quemq; remittit;
Regalem in miseros homines testatus amorem :
Nec dubitant miseri dignas persolvere grates,
Exoptant Regi, pulchrisq; suis faustissima natis.
Inde petit cellas arces, & mœnia lætus
Prisca Ducum, durumq; viæ leuat inde laborem.
Post paucos soles mandat se nauibus ipsum
Et per Vistuleas felici fidere ripas,
Varfauios redit ad muros, arcemq; reuifit.







